



Supruga ubice i dilera osumnjičena za krivično djelo

# SIPA pretresla kuću Šejle i Zijada Turkovića!

Inspektori tokom pretresa iz kuće Turkovića izuzeli brojne dokaze koji će biti korišteni protiv Šejle u budućem krivičnom postupku • Osumnjičena za povredu tajnosti postupka

Istražitelji Državne agencije za istrage i zaštitu (SIPA) jučer oko sedam sati upali su u kuću Šejle Turković u Hercegovačkoj ulici na broju 5, koja se nalazi u sarajevskom naselju Grbavica, gdje su po nalogu Tužilaštva BiH i odobrenju Suda BiH obavili pretres.

## Dokazni materijal

Šejla je supruga Zijada Turkovića, šefa zločinačke organizacije, koji izdržava 40-godišnju kaznu zatvora u Kaznenopopravnom zavodu u Zenici zbog monstruoznih zločina. Prema zvaničnim informacijama Državne agencije za istrage i

zaštitu, ona se sumnjiči za krivično djelo povrede tajnosti postupka.

Istražitelji su iz njene kuće izuzeli veću količinu dokaznog materijala koji će biti korišten protiv nje u budućem krivičnom postupku.

Osoba inicijala Š. T. sumnjiči se da je počinila krivično djelo iz člana 237., stav (2) Krivičnog zakona BiH, a koji se odnosi na povredu tajnosti postupka na način da je neovlašteno objavljivala materijale iz postupka koji se vodi pred Sudom BiH. Po okončanju aktivnosti, Sudu i Tužilaštvu BiH bit će dostavljeni odgovarajući izvještaji o realiza-

ciji predmetne naredbe s privremeno oduzetim predmetima - saopćeno je jučer iz SIPA-e.

Kako nezvanično saznajemo od izvora bliskog istrazi, Šejla se, između ostalog, tereti da je neovlašteno na internetu objavljivala sadržaje pod lažnim imenom, što su inspektori tokom istraživanja slučaja otkrili.

Istražitelji su iz kuće osumnjičene Turković izuzeli kompjutere, veliku količinu CD-ova i mnoštvo dokumenata, koji će biti proslijedjeni na vještačenje.

## Prijetnje smrću

Osumnjičena Turković

jučer je tokom pretresa bila veoma nervozna te je svoje frustracije pokušala iskaliti na istražiteljima, ali se oni nisu dali ometati. Protiv Šejle u Općinskom sudu Sarajevo vodi se postupak zbog ugrožavanja sigurnosti sarajevskog advokata Izeta Baždarevića, kojem je ispred sudnice u Sudu BiH nakon jednog od ročišta njenom suprugu prijetila da će ubiti njega i njegovu porodicu jer nagovara svjedoke da svjedoče protiv Zijada Turkovića.

A. ALJIMI - K. KEŠMER

## Upletena u suprugov teški kriminal

Sejlin suprug Zijad, prema pravosnažnoj presudi Suda BiH, odgovoran je za smrt četvero ljudi, međunarodnu trgovinu kokainom i heroinom, pljačku 2,5 miliona maraka sa Sarajevskog aero-

drome, otimanje dionica Fabrike čarapa "Ključ" i pranje novca.

Istom presudom naloženo je i oduzimanje 47.766,56 maraka s računata u "UniCredit" banci, koje su stečene prodajom dro-

ge. Turkovićev omiljeni ubica Milenko Lakić Laki osuđen je na 35 godina zatvora, Saša Stjepanović na 12, Fadil Aljović dobio je pet, a Muamer Zahitović Ševrtko tri godine zatvora.


Page: 11

Reach: 50000


Country: BOSNIA AND HERZEGOVINA

Size: 460 cm2

2 / 2



*Ekipo istražitelja SIPA-e ispred kuće Šejle i Zijada Turkovića: Iznose dokaze*



*Šejla i Zijad Turković: Zika iza zeničkih zidina a supruga osumnjičena*